

Broj: 31-01-45-252-01/20
Sarajevo, 11.03.2020. godine

U cilju provođenja Naredbe Kriznog štaba Ministarstva zdravstva Kantona Sarajevo sa svrhom praćenja situacije i poduzimanja mjera radi sprečavanja i ranog otkrivanja eventualnog slučaja bolesti izazvane novim koronavirusom (COVID – 19), koja je Zaključkom Vlade Federacije BiH, V. Broj 164/2020 od 31.01.2020. godine proglašena zaraznom bolešću čije je sprečavanje i suzbijanje od interesa za Federaciju BiH, na osnovu člana 38. Pravila KJU „Odgojni centar Kantona Sarajevo“, direktor donosi sljedeću

NAREDBU

1. STROGO SE ZABRANJUJU SVE POSJETE ODGOJNOM CENTRU

2. Nalaže se šefovima Službi i radnicima KJU „Odgojni centar Kantona Sarajevo“ na primjenu hitnih mjera opreza korisnika usluga i radnika Odgojnog centra koje pomažu u zaštiti od infekcije korona virusom, sa ciljem prevencije od neželjenih efekata eventualne epidemije, kao i zaštite zdravlja korisnika usluga i radnika Odgojnog centra od zaraznih bolesti.

3. Nalažu se radnicima i korisnicima usluga Odgojnog centra sljedeće mjere koje pomažu u zaštiti od koronavirusa (COVID – 19):

- često pranje ruku sa sapunom i vodom barem 20 sekundi, obavezno npr. prije jela, kuhanja i nakon kihanja ili kašljanja, nakon bilo kakvog kontakta sa životinjama,
- stavljanje maramice prilikom kihanja i kašljanja, koju nakon toga treba odmah ukloniti,
- češće čišćenje predmeta, površina i stvari koje su u čestom dodiru sa ljudima dezinfekcionim sredstvima,
- bolesni radnici koji ne zahtijevaju medicinsku pomoć da ostaju kući.

4. Preporučuju se radnicima i korisnicima usluga Odgojnog centra sljedeće mjere opreza koje pomažu u zaštiti od koronavirusa (COVID – 19):

- nošenje maske preko usta u slučaju zaraze,
- izbjegavanje diranja očiju, usta i nosa sa neopranim rukama,
- izbjegavanje bliskog kontakta sa zaraženim osobama, neovisno je li prehlada ili nešto opasnije,
- izbjegavanje bliskog kontakta s domaćim i divljim životinjama.

5. Naredba stupa na snagu odmah.

Pripremila: Merima Brdarić, po ovlaštenju šef Službe za opšte i zajedničke poslove

Direktor

Mirsad Pindžo

Dostaviti:

- svim Službama/oglasne ploče x5
- ulazna vrata objekata Odgojnog centra x2

